

針易臨風整綫難楊朴詩年年乞與人間巧不道人間巧幾多

俗傳七夕之水爲「聖水」以磚埋之屬盛之可以久藏不腐用以調葯功效最著凡目疾及瘡疥之外塗葯多以聖水爲之各地人家多於七月七日取水汲取之時無論河水井水均可封固而貯藏之雖至日久化汽乾燥至盡亦絕無子子及腐敗之事河水井水多含有蚊蟲之卵者靜置數日即易發生子子雖或無之亦不免於腐敗惟此一日之水獨有不生蟲不腐敗之奇無怪迷信者之詫爲神奇也

按人知七月七日本可久貯而不知立春清明二節貯

水謂之神水尤能久貯不變寒露冬至小寒大寒四節
日水均能久貯此節本無甚奇不過婦女附會牛女事
藉以助興耳

孟蘭會

七月十四日爲孟蘭節俗例舉行孟蘭盆會自是日起至月
底止城內外市場均張燈結彩懸掛綢衣人物擺設生花盤
景各街之中以下街隨考街爲最熱鬧隨考街且演戲三日
入夜延各僧道搭檯念經名曰放燄口係追薦孤魂之意舉
行日期輪遞爲之不出七月此通例也入民國後此風已革
易爲祝孔聖誕矣

按孟蘭盆經云目蓮比卹入地獄見其亡母雜餓鬼中

即以鉢盛飯餉其母未入口化爲火炭目蓮哀告佛佛言汝母罪重須得十方僧衆於七月十五日爲施主七代父母行禪定意因其五味百果著盆中供饌十方大德佛衆僧皆爲咒願然後得食於時目蓮母得脫餓鬼之苦目蓮白佛來世佛弟子行孝順者亦應奉孟蘭盆佛云大喜云云注云孟蘭者天竺語猶云倒懸救急器也今所行孟蘭盆會大約即由此相沿又舊唐書如意元年七月望日宮中出孟蘭盆分送佛寺楊炯獻孟蘭盆賦則此事在唐時已有之矣

燒衣

人家有燒衣之舉於節前數日購備冥鏹衣紙之屬集合

婦女而摺之冥鏹摺爲紙綻衣紙摺爲圓筒而微塞其兩端於中藏以布疋蓋紙肆中之冥鏹衣紙皆疊爲一疊而出售購得之後加以人工成之俟祭家神畢然後燒之祭家神畢以其餘給無主之鬼謂之燒街衣節後夜夜皆可舉行惟以十四夜爲最多屆時備豆腐豆芽白菜米飯等物於門外堆集衣帛紙綻舉火燃之隨祭隨取祭品四散以施食於群鬼

八月一日

八月初一日起無論大小餅肆皆開始製造月餅發售門外加懸一華麗之招牌上書「中秋月餅」四字製造之法各逞新奇有雕刻者有以綢衣結成者厥製不一一若招牌優美

可表月餅之優美然

月餅

月餅之最大用途是爲送禮前清之世消行尤多故餅肆年中獲利之厚以中秋月餅居第一

月餅分甜肉鹹肉二種其餡之原料大抵爲杏仁胡桃肉瓜子白糖製肥肉之類其餘各種如所謂金腿肉月餅之類不過視原有材料稍加火腿肉而已月餅之製造無論如何巧立名目大抵皆百變不離其宗也

月餅之中如甜肉鹹肉等餡配合原料頗嫌複雜轉不若「豆沙」「豆蓉」之類無各種軟硬物料攙雜其中食之尤爲可口餅肆製餅如果欲別出新欸似宜就果漿之類着

想方能推陳出新

餅餡之配合料以杏仁爲貴實則此區區果仁置諸餅中味未必佳而人之視之則若月餅價值盡在果仁然剖而多則喜無之則愠蓋亦人云亦云其嗜好未能自主也

猪籠

月餅之外有一種恩物爲兒童所最喜者名曰公仔餅又有以粗竹絲織爲猪籠盛猪形之餅於其中謂之猪籠

中秋

中秋夕家家與月裏嫦娥結歡喜緣燒紅芋炒花生盛以盆設香案清香明燭而外羅列瓜果而以月餅爲主要之物中庭設席具禮而拜新婚之夫婦多情之眷屬均於是夕盈盈

拜月蓋艷羨人月雙圓之佳話也

案月爲地球衛星借日光以爲光初無靈爽式憑祀之近於迷信但古書所載如明皇遊月宮嫦娥竊藥奔月吳剛伐月中桂等事由來已久豈獨今日

燒番塔

是夕吾邑舊有「燒番塔」之俗是日各地兒童自爲結合十數人分任搜集燒番塔之資料所謂番塔云者即佛氏之浮屠因其始自西域故有是稱燒番塔之事先由兒童一面搜尋斷磚殘瓦以爲結構番塔之用一面四出採集柴薪以供焚燒凡有竹頭木屑之屬皆檢拾之然後擇定地點將磚瓦堆砌成直徑數尺之圓塔高約數尺以柴薪

實其中月上之時舉火燒之其光熊熊與月色相輝映兒童相顧而樂拍掌歡呼火勢稍弱則以酒投之助其烈燄呈五色光直至夜深柴燼始盡興而罷每年應節舉行亦一種熱鬧之遊戲也

柚香

燒番塔外又有柚香擇大柚一隻滿身徧插長香香上纏以小紙炮入夜之時齊燒各香以長竹竿插入柚中豎於庭前由是通宵炮聲不絕於耳

孔聖誕

八月二十七日爲孔子誕日學界尊崇典禮久視爲隆重固不必論而年來商界祝孔誕尤爲鋪張揚厲除懸國旗外一

切點綴悉仿孟蘭盆會之例張燈結彩懸掛綢衣人物擺設生花盆果一街之中八音之班歌聲盈耳其熱鬧情形迥非往昔之比是可見人世尊崇孔道之趨向云

案孔子爲萬世師表萬流宗仰已歷二千餘年惟往昔孔子誕日除士大夫至學宮行禮外絕不聞各界慶祝近十餘年來頓改舊習漸移其佞神之誠意以尊敬孔子故孔子誕日遂有祝典之舉是亦可喜之現象也但尊孔之道固自有在原不係此若僅以建醮變相而爲孔誕祝典不能別創祝賀之法恐於聖道眞諦仍去之益遠也

重陽

九月九日爲重陽節人家多醖資會宴但登高能賦尙少此
興會空山無人菊花自媚而已

觀音誕

九月十九日爲年中第三屈之觀音誕觀音誕日一爲二月
十九日一爲六月十九日並此而三

案觀音誕一年何以有三次事觀音者盡屬茫然或謂
一爲降生誕一爲成道誕一爲圓寂誕又謂觀音不止
一尊故年中不止一誕然而降生成道圓寂孰先孰後
三尊爲何稱謂則皆不知所對亦惟以觀音慈悲每屆
誕日虔心敬禮而已

華光誕